

國
朝
奏
疏

國朝奏疏卷四十四

野

水利前

籌辦湖北水利

請疏通江漢水利

查勘濱湖隄院情形

湖田占水

請濬長沙北門舊河

修濬濱海白六河

欽省首屆之齋

汪志伊

張漢

楊錫鎬

馬慧裕

王國棟

鄂爾泰

月無手抄

興修滇省水利

同前

會籌海塘情形

海望

請石塘外增築土塘

趙宏恩

籌辦湖北水利疏

臣汪志伊謹

奏為敬籌辦理湖北水利事。伏惟天下之大利莫如水利，天下之大害
亦莫如水。昔水之為害，曰江曰漢，江水自四川岷山發源，至巴東歸入楚
境，歷歸州、東湖、宜都、枝江、松滋、江陵、監利、沔陽、漢陽等九州縣，
出黃陂境，漢水自陝西嶓冢發源，至鄖陽入楚境，歷均州、光化、穀
城、襄陽、宜城、鍾祥、荊門、京山、潛江、天门、沔陽、漢川、漢陽等十二州縣，
出海口，與江水合。江水自松滋以上，漢水自鍾祥以上，兩岸皆山，蓋云水
自松滋鍾祥以下，地勢平行，土性鬆活，軍民四廬，非堤隄不能捍衛，非
支河港汊不能宣洩。自乾隆五十二年，江水異常泛漲，荊州府屬江

水害之害

陵縣大江北岸系城堤潰決三處嘉慶七年六月又漫潰八十餘丈
再嘉慶元年九年監利縣潰決狗頭溝程公隄金庫堤三口先
後水推沙壓以致江陵監利二縣屬並潛江沔陽南鄉支河港民
多為泥塞積水在田年久可出如盛鍾玉頻年大雨時行淹漬日甚不
大江南岸之松滋公安石首等縣亦因隄險潰決間有積勞至
若漢水自乾隆五十六年後天門沔陽漢川等邑隄垸即屢有漫
潰又有嘉慶元年以至十一年上游則鍾祥縣下游則荊門沙市縣
沔陽沙市川縣皆連年漫潰潛江縣甘家漢口自數十丈至數
丈不等或直衝而被淹極重或橫溢而被淹次重或倒漾而被淹
稍輕歷前任督撫臣奏為

聖恩蠲賑兼施而沙隨水入水後沙停港淤多於積水更易於淤積其

洋陽鹿城雲夢等縣他處下游亦不免溢注漫漶之患此係江二

水節年積淹各州縣隄塍田畝之原由也且飭批各該管府州

並州縣確查籌辦陸續稟覆並將各士民先後達名呈報二

百五十六年仲查對情形大略相同核計荊門州被淹五十五垸

江縣被淹二十七垸天門縣被淹一百十三垸沔陽州被淹二百四垸

漢川縣被淹一百二十垸江陵縣被淹一百六十五垸監利縣被淹一

百九十二垸總共九百二十垸各垸大小不等其最大者周圍三三

畝小者周圍三四里其積水或深二三尺六七尺至丈餘不等或已涸

出五六分三分不等其全未涸者較多該紳耆以該防地疏消之

欽此

明冊持涉

此議諸不一難以懸斷臣隨於查閱各營伍時道經被淹之州縣
即率同該地方官並傳紳耆人等就赴各處察看在地老疏情
形揣度地勢參酌輿論共受書在上游者宜於此共受書在下游
者宜於疏或事疏消於防堵之先或借防堵而疏消之用通
盤籌畫不徇一鄉一邑之私見俟有此益彼損之虞臣查
漢陽江水勢江陵監利二縣並沔陽潛江二縣南鄉積淹田
畝地極低窪嘉慶五年雖經前撫臣高杞奏准開挖挑淤
河黃土溝柴林河等處佚水由壘口入江但止於消復上收長湖澤
口二處夏秋改進法開疏之水已有各垸田積淤之水即冬春亦
不能固不且於三月間勘有監利縣之楊柳等地方即古之洪

口今橫埽一堤丈量堤內杜禦廢境積水高於堤外白盞湖水面
五尺二寸宜開隄建石閘一座又泗陽州以屬濱臨江水之新隄地
方即古之茅江口並前水港口係前明大學士孫居正因有閑其租
填風水築堤埽塞今丈量新隄內河之水高於外江水一丈二尺宜
開隄建石閘一座並籌定格冊章程每年十月十五日先開新
隄閘十月二十日次開福田閘計可疏消積水六七尺各境田即得
十分之八九每年三月十五日先開福田閘不以鄰境為壑三月二
十日次開新隄閘不俟江水倒灌至桃家河以上之積水欲由太馬
河而達於閘必改於鄭家廢境中開小河一道以通之於上河
南向之淤塞處亦應一律挑挖深通水達洪湖由新隄石

南入江則江監潛河四邑數百坑積潞之田可期涸出並將監
利汚陽二切勝境內刀民私築之土牆均行拆毀俾無壅
淤其白鵞湖紫林湖豐口土金口土地港上下各淤淺均行挑挖
深通俾長湖港口二處夏秋沙進之水一由筒家口岳都灣出青
潭口入江一由土峯口澄沱湖出沌口入江則嗣後該四邑之
隄垸方可免泛漲冲淹之患其南岸之松滋公安石首等
縣雖間有積潦被害較輕設法疏消尚易于力惟江陵城
隄頂冲危險處計及各縣沿江隄腰必須加築堅固以防泛
患至若漢陽漢水亦有鍾祥以下沿河皆橫隄腰保障決
隄地處下隘工多險要漢口一開則頂隄足下游即全遭淹沒各

堤多卑舊低矮一遇汛期在、方危查該縣境內堤工一萬二千
七百餘丈除飭將尹家廟加築之子埂並中段修砌之石駁岸石
裏頭挑水石壩趕緊完報外其餘亦當一律加高培厚至于下
游各州縣查此、地荆門、則有十三處潛江縣則有三處京山縣則
有一處天門縣二處漢川縣三處雲夢縣五處皆須修築完善茲
陽、之西北仰濱臨漢水因天門漢川、河歷年漢口水向內匯沖
刷沿河堤身、有、應行修築之處更甚於他處如漢陽、等
處各鄉堤工缺口計長一千二百餘丈洗塌堤身計長五十餘
丈若不修築堅厚則天門漢川、沔陽三、縣終不免漫溢淹
浸之患、其應疏、之、地荆門、則有十三處並江陵縣、乃民私築土

查勘省垣之務

(三)

端十三處潛江縣別有荆河堤口三處並謝家長安等八
到天门縣別有牛蹄支河等處沔陽州別有漢南後陳等
永奠二南澤川縣別有十處陽陽縣別有漳河口等處此
上河通積淤或數里或數十里至百餘里不等若不待
開疏則去路不通暢堤防仍虞壅潰此各州縣在在
疏之情形也惟是各堤在疏之工程大小不一臣擇其最關
緊要而易由力者如天门澤川等處之牛蹄支河積淤
三十餘里澤川等處之堤防三百餘丈沔陽州等處之各
堤缺口二百餘丈及支河缺口十餘處潛江等處之楊湖
垸等處均屬重要雖三處頂冲危險及重慶等處之陳嘉謨

先後札飭藩司籌款共提銀二萬二千九百二十餘兩撥給
委員協同地方官督辦籌批挖修築完竣即清目前之急務
工巨費繁現方大雨時行江洋水長之時難以施工必俟秋
後水落方可丈量估計且積勞積於三區有度積淺深之不
同尤宜亟漸疏消並築分別次第辦理斷非一年以修或
可惟擬是補田新墾二間必須預先採辦石料兼此水
漲時運至工次俟秋冬集匠建立業經遴委委員承辦以
速奏成并飭藩司酌發銀兩以便辦運石料此又臣于
就勘時權宜緩急分別辦理之情節乞旨回青俟後與核核
章題悉心籌商湖北各堤田被江洋水害或已經二十年或十

年及數年不等各農民困苦已極此次遴委廉幹多員
會同地方官於秋冬分縣丈量確估實心實力辦理
並選派道員總理其事俟工程報竣日由該臣親往各處驗收
務期工清實用費不虛糜俾災黎咸登衽席倘查有
減工剋料情弊即行奏參嚴辦以爲玩視民瘼之戒
江漢二水出入支河港汊今昔情形不同必須度其水涸
西漲之高低以爲在此應疏之準則必者各行開挖之處或係
民田則估定價值登給業主另買以昭公允且將來此濬之後
固出田畝必多仍照額征收錢糧倘有實在形如釜底
無依疏濬不能固出並被沙壓及浸壞不能耕種者即

委員查明頃畝錢糧確數奏請減豁以省有名無實之催科
惟現在未及施工畝尚沉水底小民失業多年則畝必荒
經

天恩

暫行緩征以紓民力俟開工畝畝有收再行分年帶征

各衛所軍田坐落各州縣境內亦有被淹頃畝應請

案畫一辦理俾免向隅此又體卹目前念窮民之多宜也

再臣于途次接批鍾祥江陵荊門潛江四州縣士民等呈

開疏鍾祥縣屬之鉄牛關獅子口等處古河淤淺水勢多淤

天门縣士民呈稱堵塞天门縣屬之牛蹄支河口門牌口內堤垸

不致漫潰各等情臣順道親赴各該處上下履勘查得鉄牛

閔獅子口等处古河均在涿水北岸原通鍾祥縣境內銑流
溝永隆河及天門縣城河出涿川縣河口仍与涿水合流至漢
口入江自前明築堤壅塞以來迄今數百年堤外河身日漸淤
高堤內田廬廢多低矮若如此復開疏不但道里倍長數
百餘里工程浩大并有礙于城池田廬即就水勢而論鍾祥地
處上格固多浸淹大患而橫溢計由京山直注於天門縣界其
涿川以及石城雲夢等縣必皆受其波及之害是欲分涿水
以固隄工務先引涿水以灌隄內也核士民等或籍隄上地或
託業南岸惟飲用疏古河則涿水北注可免浸淹彼處田畝之
虞并有歲修隄隄之費全不顧及此辨示故天門涿川等

縣為澤國此情實不可行至天門縣屬之牛蹄支河原以分港水
主勢今若遠塞其口供港水每獲消納必致漫漶正河之大堤
查天門從前連年被淹皆由于鍾祥隄工屢壞而非牛蹄
支河不塞之故今鍾祥隄工壞口業已一律修築堅實即牛
蹄支河淤淺處現亦動項開疏是害已去而利可興乃該士民等
反以此塞支河為議其素不遵一經此塞口門可省培修支河
堤隄之費並不念及正河大堤壅決之害以語因壅廢食亦
不可行總之該士民等請南諸地之處皆在漢北岸而文
多有適相左者固于心存私見昧于大局惟知利己不顧鄰
設非詳查確甚通盤籌畫必致為害誤謀陰以自批駁

卷之三

毋許率逞私見私議致礙全局外合並奏明

請疏通江漢水利疏

臣張漢謹

奏為恭陳疏通江漢水利事竊惟王土要穀重農必先水利水利
興則蓄浚有法旱勝無憂我

皇上念切民依凡水旱時屢

宸慮直隸營田水利奉

牧養妥議以濟民生凡以期於可久也臣竊思省交於江漢荆鄂善

首衝宅壤最為窪下計沿河大堤南岸自松滋六百餘里北岸

自峽陽七百餘里堤隄共計幾三千里俱係民築民修

其間最險之處若沙洋若黃塘難以枚舉而修築聚斂亦難言

臣等前因之辭

月船手抄

不又修築不堅水發即浸屋屋屢修民力幾何此則人民受累
之患也計楚水大出江曰涇曰洞庭三其後急相濟送為利用也
查大江發源岷山出三峽下襄陽州約寬十有餘里洞庭居大
江之南方八百里容水無限湖水倘增一寸不災艾漲江水即可減
四五尺昔人於江上流束穴口下流虎渡口楊林市宋穴調絃
等口各殺江流導入洞庭而後達於江故水勢寬緩而無
患今也僅存市渡一口江水一發陡高數丈無怪為患四顧
即為巨浸此江水為害之源也漢水自嶧冢導渠東流而下東
陽自安陸府以上河寬十有餘里安陸府以下至寬不足一里
下漢口其窄益甚船每截流而渡江為港弱阻遏逆行

潛汚世也於是數災災矣查漾水上流有排家口相信羊積集
糧倉岸隄形亦存其水亦流過天門縣入三台大松等湖其湖居
天門之東雲夢之西漾川之北在城之南支分漢口派出五道往
為漾水故道眾水通流今白口排家口冬於水冬歸注此漾水為
害之海之雍正二年鍾祥縣堤壞如雷且畏西域不侵其版
民多可避田廬舊於居人以此隄三十年不壞計鍾祥一邑今
已九壞矣他如京山潛江天門諸邑地處下流隄若徒壞則如
項灌耳耳昔年潛污士民具呈申訴請以築隄之天供疏河
之役官不允行民無如何今之計欲平江漾之水必以疏通為
河之口為急務矣查江水東流又下流者先疏其五通口調絃口朝

而上者疏宋穴楊林市而調往合流又溯而上者疏虎渡口蛇段
寺又溯而上者疏宋穴而虎渡合流再疏北岸之便河却穴合江
水從長湖了而廟合注則黃潭堤不築而自固又後殿公議
則監城可以無虞疏新堤之口而新潭之於則江漢之水於其
為取濟矣潭水交流則疏白口橋家口而少澤之一包三險可以
夏疏四港而潛河可以無憂疏直順河而潛城後舊可以無憂再
疏小里潭竹筒河而天門縣獅子等河而低窪地也乃可安堵而無
虞之患疏河以爲急務也若夫築堤必取土於內地內地日低故河
日高河日高則堤勢日險患日深是以江漢不疏終非底定之本
積淤不濬終失利導之宜以制楚民之隱憂也夫三楚富饒風雨於

天下謗云湖廣熟天下足一歲而檢吳越亦資之今或稍違此舉
即倉皇無策致居民不免於貧困雖不為冬春之河堤之累然
逐年估計既苦派費之繁多潰決無時又慮身家之莫保
豈非河隄之為累乎昔年湖南巡撫陳說炯察楚中澤國既
於江漢甫任印後調任口隄親詣踏勘江則欲導之俟南漢
則欲導之俟北顧為利濟之宜旋內陞去任未及施行而中
風有疾嗣以此大略也臣思古昔江淮河漢水行地中然以人居
平土其安治也行其改多事也後世詳於治淮而略於治江
遂故江漢時有汎溢之虞不知楚有洞庭較淮河何水
為便疏河日每行其改多事也伏乞

皇上敕行湖廣督撫大吏要員一、詳查備言屬可行不特全
楚又安即武昌新修隄岸費金錢至數十萬此亦借是
以永固矣

查勘瀕湖隄垸情形疏

臣楊錫錫謹

竊照湖南長沙岳州常德懷化四府均環繞洞庭瀕湖之民就闢於地面築壩田疇之堤垸有昔被水衝曾經修葺後此曰官垸其未經修葺及續圍此曰民垸每年冬令該管各員督民培築以防夏秋之水曰歲修且到任以來雖察訪歲修各弊嚴檄水利之員查禁督修然未往目覩不能知其實在情形是以上年恭摺奏明將近就長沙之湘陰益陽二縣隄垸於仲冬親往查勘荷蒙

聖鑒在案茲臣於二月由湘陰勘至益陽該有隄垸情形有尚

焚香以退之

者酌定章程辦理此就目管見故為我

皇上陳之

一險工宜三年連加大修之查各堤有當水要衝尤易壞決之險工每年歲修不過加土數寸一尺若加高厚各至數尺則曰大修歲修佃民任之大修由主任之今日查閱兩邑民燒新築圯圉屬較舊即燒舊築亦未能一律其厚其修各屬人從想亦相同據原址收審每年冬月雖加土數寸一尺次年雨水冲激又多坍卸是徒有歲修之名終難成其厚之實臣雖面諭民每遇天晴水小時培築不必俟冬月然佃民農忙之時殊難兼顧而各堤田主皆有力之家出

資修堤俾田永成腴產井非強以改難在自秋冬始凡屬險
要之堤每歲加厚三尺如高二尺以三年為止即俟歲中少有衝決
尚多修存合之現在堤身三年之間厚可一丈六七尺高亦准此例
遇大水永保無恙矣

一撥堤柳株宜一律栽種也查西邑年久舊堤有種柳以捍風
浪步均堅厚多狹於未種者即不免卑薄至於近年民堤則種柳
者絕少細詢其故蓋種柳一事向來官雖示諭未能實力督率而
民田主各事因循間或插種又苦牛羊踐踏居人拔換遂多石名
無實且查柳枝非難得之物插柳又易為之事植之三年即可
捍禦風浪致速而利溥矣迨於此且已而加勸諭令各多插植

後在令水利之員兼行督率處我插將每堤種柳若干
根查考責令管理修隄之役總隄長人等稽查照看
與道府等官遇便隨時摘抽點驗嚴禁縱放牛羊及居民
損違者予以罰懲則數年之間堤垸屹然立矣

一查管水利之員宜免其差委也查各屬隄垸多者五六十
步三四十每垸大者六七十里小者亦二三十里每年冬季培修
夏秋防護多事暇逸之時若差委別出則培修防護無人
督率稽查其為^虛故不何怪其然且謂是又故是以上年凡屬
水利佐雜俱不稱為差委嗣後應准其為定例凡屬水利各員
堅不差委則責成既專而承辦省力矣抑且現任三

年逢加大修各屬堤垸既失道里亦遠水利之員皆率
難因俟屆期具工時且者擇佐雜中勤慎老練以委
協辦庶工程可望堅實

一以後民垸宜永禁再圖也查佃莊雖曰巨浸所藉以養
省之水各屬堤垸俱係沿湖受水之處漸次圍成以故水
爭地也雖濱湖荒地不許擅行築壑以阻水路已往垂
供令甲但尚有無礙塘地許民呈官勘明築壑之例我

國家重熙累洽生齒日繁沿湖堤垸綿亘幾際實無可以再行
築隄壅田之處今已成之垸在民從復艾利未便毀其厥功若

再許障地是官築壑在農民惟規之利惟損農民無

誠之有司不知總攬全湖形勢遽徇其文書而上司亦一時差
誤忽批詳批准矣貽壅水漫決之患在該嗣後各屬廣開淤
地永禁築隄壅田俟川黔粵楚各省之水有以涓滴不
致泛溢則現在各省境內年年復有秋民食有濟即憂益
不淺矣

湖田占水疏 嘉慶七年

臣馬慧被謹

奏以民生災于穀食而穀稍資水利水利資乎堤垸故
水則腴遠水則瘠所在皆然湖南長沙岳州常德等處
府漢陽洞庭各屬久就開墾築堤壑田惟是洞庭湖
為川楚黔粵四水匯宿之區自應伏湖而產田畝無不
方易于消納乃湖民占水爭地常有衝突浸溢之虞
臣等查湖南瀕湖十四縣
且將博題德江兩荒地禁民築壑查湖南瀕湖十四縣
共官田百五十五畝民國二百九十八畝毀私田六十七畝
在留私
田九十一畝內官田係雍正間發帑修築民國係業民陸續

交卷中退之奏

園築奏准在留一併歸入歲修等語官園民園俱集
民自行修補官園費率每年九月興工不分畛域及除息
工程皆係通境之民按放出工通力合作於次年二月工
竣三月內勘取結詳陳奏

聞該等設存官修民修防除搶築等費亦無保固年限其
毀私園見俱燒刷殆盡永禁修築並各阻礙水道之處
至存留考私園係臣此次遵

旨歷勘長沙等九州縣共續報私園埂九十四處內有湘陰縣
江山私埂二道華容縣馬家私埂一處均有礙水道先經勘
令創毀不准修復餘俱築自乾隆二十八年以前未註列

入在留屯數冊內見查各堤身僅高二三尺及六七尺不等每
逢江湖漲水高一二丈此等數尺之堤早已漫溢區項實不
能占湖水爭勢數十年來尚無阻抑泛溢之事國內業民亦
小藉以衛田種植水大任其漫衍流行每年度種收全賴
捕魚刈草以利完賦課屢久相安自可毋庸勒令創設
致失此意以見在堤埂長高丈尺為限示之準則永禁增
築座水利民生而無妨礙矣至此外各屬非近江近湖而
皆藉塘池以為灌溉塘池充足則夏秋久晴亦挹注有資乃
是民昧於遠計往、廢水利而闢田功不他大江大湖之濱
自己掄糧管業之塘亦培土改田截流種稻彼徒租於而賜

災荒水患之虞

時若之歲以塘為常用不知偶值旱潦決口不虞決失又決閘之水速近取資若積估已業截壅為田則上溢下浸無不受累又存各屬似案糾紛大事由此且愚以為

國家生齒日繁地土甚闕至於閘壩水利之蓄淺步仍以他水亦後水不為害田亦受益小民不能遠慮貪目前之小利忘經久之大計且思從前壅已徑開壅之田徑一決壅固恐隣壤若自今以往嚴行禁止於東南各省甚為有益在謹

皇上敕下凡地開蓄水及出水全地方官親自勘明但有礙水利即不許掘壅如有私將塘地改壅為田查出重懲此奉清水務農裨益民生之大端也

請濬長沙北門舊河疏 雍正五年

湖南巡撫臣王國棟謹

奏為請濬長沙北門舊河以便民事竊臣上年奉

命自浙赴湖南任道經長沙時屬之湘潭縣見千艘雲集於

商賈輻輳數里市鎮堆積貨物堪憂有年居民櫛比而長沙

係省會之區府城又逼臨湘江乃環顧江干各船停泊者蓋因

湘潭江形稍曲北風勢強而長沙江面既寬北風勢弱又無淤

可以誘入將經風起濤湧一時難禦沈溺漂沒故往來而此官

民船隻不能停泊而商船亦多往湘潭以舍湘潭各可棲泊處

也即如江西之湖口處先設湖口縣江水浩翰商人上稅停舟常

焚香省遇之齋

遺風傳之陰荷蒙

皇恩移駐九江別人稱便焉且謹按長沙北門外原有舊河一道
計長三百餘丈淤塞已久若將此河照舊開挖淤固可以多泊
船隻誠如大便秘於民之事不但往來官民船可避險艾駕舟
以謀生故可安心安宿湖港不致飄泊風波而且商船之集
百工則財用足通百貨則生計饒即肩挑食力之民有商貨
往來上下可以擔負累年之貧民衣食之數也臣目擊地
方情形必與工費財無項可抵今批驛鹽糧做道詳稱長
岳常三府隄工欽奉

諭旨行令修築現查本道衙門向有每年鹽規銀八千兩願以

雍正五年現存銀八千兩並雍正二年以餘銀八千兩歲底存
存共一萬六千兩作為修築堤工之用再查長沙為省會之
地長江浩淼竟無傍泊舟楫之患北門外有舊河一道
俟雍正七年分此撥八千兩解到之日可以開濬此河俾泊
船隻庶於地方民生不無小補等語書臣見適合今
估計工銀約費一萬四千有奇但閘為民興利似不可
緩批臣愚見或於冬興工應否先於司庫正項內動用
開濬俟雍正七年該道歸公銀抵補伏乞

皇上睿鑒

步卒罕退之務

修濬滇省海口六河疏

臣鄂爾泰謹

奏為修濬滇省海口六河事竊以雲南省余向稱山富水饒而耕於山者不富饒於水者不饒則以水利之未講或講之而未及致斯不能受山水之利而徒以增其害也故為水利莫急於滇而等滇之水利莫急於滇之海口其上流為昆明曰呈貢晉寧昆陽之四縣下流為安寧富州民二州縣一水以經為六州縣之像疏通則均受其利壅遏則均受其害故於滇最急滇之水原來自城北之盤龍江經城之東而流於南會呈貢晉寧之水而為也折而西流至昆陽州界復北折而倒流由石龍壩至

於安寧富民之北而入於金沙江此滇池之形勢也滇池即
昆明池土人各名爲海、三大周圍三百餘里環海之田資以灌
溉由膏腴甚多歲數百萬頃每五六月而水暴漲海不經流
此時以宣渡故惟海口一河而兩岸群山皆箐口有下冲
入海中填塞壅於宣渡不及別沿海田未半遭淹沒明宏
治時巡按陸金剛渠濬河築壩鑿石民困以輕自此遂有
歲修大修之制而不知海口之內有牛舌離州二處梗塞故中
致海口內外不能通暢嘉慶初復興修作亦只於牛舌四之
左豹子山之下竭力疏濬其根本遠故災患未息至今歲修
歲壅殊非長策且勘得海口一河南北兩面皆山俱有箐

水入河每雨汛暴漲石中橫而受水處河身平行易於壅
於北有白塔每疏濬於農隙之時壅塞於雨汛之後不
則淹沒堪虞開挖則人工徒費沿海人民時遭水患皆甚苦之
行至平定哨一岡傷雲龍泉水歸河之道正值水陡流急
處相度形勢諮詢輿情咸稱南南宜開子河一道引舊
渡水新村等開此水同至平定哨開入河則泥沙石子不能停
住一勞可以永逸後行至海口駕船循視見有舊堤一條沈埋
橫塞其中埂外龍王廟前有牛舌灘又側而下有牛舌河俱
阻掘出水不能直達詢諸土人此堤前築埂以備海口之壅塞
也其一灘一河自古就有原未議修隨於大海近崖處用竹竿

試探水深八尺出海外於龍王廟左海門村僅深二尺五寸
牛舌河則止深九寸皆因三重壅塞不能暢達以爲海
出水之咽喉因應將此灘一畝并前一埂全行挖去則海口
疏通沿海田地自無淹沒之虞臣後特訪確查即如委昆
呈貢晉寧昆陽等四州縣照樣督修於雍正七八兩年農隙
時興工改有海口河道壅淤處悉已疏濬寬闊固不待快
田畝甚廣此在省河道之大宗也至於四境之內河道甚多條
派別各有源流而尤最大者莫如盤龍江其次如金積河又次及
銀積河又次如寶家河又次如海源河又次如馬料河又次如明
通河又馬料白河三河以上各河共估銀一萬八百七十餘兩已於

查出各項田地查價銀內動用今及時辦料興工另疏題外
臣查海口六河並各支河皆是以資灌既而備蓄洩泄因淤塞
久開濬少難以致水不注海田僅通溝高地惟望需鳴下區知
憂而積此稻糧豈歎之故矣人民苦累改閘如果山潤以水
水長以山伴彼此相資互以共用則旱潦可為轉移荒瘠
早施補救人力既乏天必垂憐此臣之所以由近及遠歷日積年
務期通行成效勿敢怠忽勿敢差忘此也惟是既興工作宜
定章程庶可以經久而不致廢墜查雲南府原有水利同知
昆明海鹽六河以及各支河巡查繕修是文職分應謹鑄給關
防重文考成其昆明河為昆明下游距省百里同知難以兼顧謹

於昆陽州添設水利州同一員駐劄海口至於通省各府州縣
皆有水利原年各員議知因循託諱藉口若將同知通判
州同州判經歷吏目縣丞典史等官加以水利職銜凡境內河道
溝渠盡令各理除仍令各該府查勘驗報各該道考察詳
明聽督撫二臣核酌勸懲則二三年間將通省水利有與無者
不克濟民生矣抑臣更有謹按昆陽之海口及臨安之三江口
閘尤鉅歲修銀兩不可不酌定惟鹽道衙門歲有合稱銀兩
請撥作歲修之用似於水利民生大有裨益

李鴻章奏疏之一

興修滇省水利疏

臣鄭爾泰謹

奏為興修滇省水利事竊惟地方水利為第一要務似係民生
計故各諸湖海江河以及溝渠川澮或因勢疏導或冬力
開通大有大利小有小利皆未可異難惜費况雲南跬步皆
山田少地多憂旱者廣且竝年積蓄不通舟車役一遇愆陽即
頓成荒歲從前市米一石有價值十兩十五兩之年是以自
任以後即詳飭通查核與論合省繪圖迄今六載雖亦次第
行經興修已竣而獲水之利者僅半已修未竣已竣未妥並應修
未修委勘未確址居半此應分晰開列陳請

聖鑒者也查雲南府屬嵩明縣之楊林海又名嘉麗澤因河漢

迂曲去水甚遠停留沙石壅塞咽喉每將海迹四十八村或
田畝半行淹沒歷為民患臣詳加察訪海水淤止二三日若以
疏河道由丁家老龍喜村開挖二里許直通河口俟新舊兩
河並流勢暢流不獨四十八村可永免水澇而周圍五十餘
里草塘均可開墾成田隨委員會勘並先將歷年阻梗之
於根二人枷示河岸限以工完釋放於是各士民歡呼踴躍
情願出力僅資估口糧並未多費於雍正六年冬報竣後
此田畝歲收粒潤出田地一萬餘畝再府屬宜良縣窪地多
淹高地無水旱澇不均有需調劑臣先於雍正七年飭諭

焚香省過之齋

興修以開河無五道積水淤於池江水不必害引水灌田已
獲濟又臨安府有瀘江一水來自石屏州之吳龍湖合塌冲
象冲二水及六河九曲皆會於瀘江以赴巖洞伏流十餘里出河
州入盤江而硎口硎底石埂十三重阻水不能直行每遇夏秋
暴雨奔湍四潰田廬淹沒土人稱有神物洗巖欲伐巖石
輒有風霆礮石往矣知府張壽各鑿石疏河椎鑿不能入強入
不寸許旋果反勢沙飛礮碎從空墜下斷于一指臣按按
神以庇民豈以虐民總制奉

天
命除患濟民而神弗許是神不靈隨通以誠告並遣張壽
各以文祭畢復督工鑿石应手而碎十三重立冬復將自瀘江

至巖洞隄岸一併築修現已有利無害禾稻倍收再府屬
之建水四田地甚多苦無活水但雨澤稍遲即秋成失地
近南莊之山腹中有泉一道細流不息入地無蹤曾竭力開
挖不能疏通且全以穀糠填入向下已流約三十里流出於
州屬之老農罕知為此泉無疑遂穿鑿地道伐木為箱穴泉
湧勢甚湍激隨後開溝導水俾成大渠並酌定規條令挨次
引灌皆賴以豐收府屬之阿迷妙離城裏許有小河一道歷來
通舟楫遂檝疏濬現可行舟曲諸府屬之昆甸妙城南平川
壤皆可墾土成田如昆川一區河會昆甸嵩明兩甸之水每夏
秋積雨一注汪洋加以馬龍河之水又會於七星橋下衝激昆川

其水逆流泛濫即附近熟田亦歲被淹及土人自有古相傳
捍禦每策且熟籌訪就其山形水勢及遠近高低欲使
馬龍河順流直溜必先使馬龍河不爭水道欲使馬龍河
不爭水道必須另開河道俾得自蓄明之水皆自暢流故
可免衝激不致泛濫今查勘督修潤水田比二畝修故但
大河中流有整石四十餘丈務決開鑿而施力殊難後議
濬沙河十五里以收全功又徵江府城南之梧仙湖延袤百
餘里中流深處可百餘丈以受各山之水亦名海每雨大水
沙宣洩不及則附郭之河陽並江川寧州三处利害共之
惟海口一河尚堪疏浚而山溪水漲推砂淤石壅積易而通

暢難增築通水壩六墩以固石壩以濬岸砂涸出三千餘畝舊田現獲豐收又楚旌府屬之鎮南河舊有水塘築堤積水以資灌溉名千宗壩因傾廢百年水多得蓄且面諭該州確勘詳覆其水來自北山龍王廟及多巖廠等處而旁塘壩壁立四季泉源不竭今流箐口兩山迴環儼如門扇基址天鑿水成塘方匯數十里田畝隨令築壩建閘全用大石并將外口開挖寬深毋得省工惜費掘出舊碑一版後指其缺略示以堅完於九年三月報竣據稱不獨可灌千家并可蓄蓄戶矣又奉川府雖倚山臨川不通河道種稻田少冬多修葺為土開河三道水由田出業招民承墾其修葺嵩明之寬明河

因分水不均里民爭控飭令開古河置俾兩里均平宣威沙
舊少水由僅資蒼參建石閘石壩各開渠一道截流引水
均可壅田極勸地僻土寒穀難成熟惟正東東南等村
以種稻內有馬家莊等處田高缺水舊有水溝一道久經
塞前任知州賈秉臣請從山腰行折鑿石成渠匯後溝並
灌田數千畝大理府洱海之海口為附郭之三畝縣水利以
因壅塞多年詳經興修水得暢流以上各件工有大小時有遲速
或給出承修或騰那濟司或奉行官吏加乘急公或本地民
出夫協力並未動項皆已完工內有仍須加修者亦不區增補其
右屬地方加堤壩圩埂溝洞渠塘等類隨時疏築各有要

詳事件零星俱各庸庸叙至於通粵河道最關緊要要
非止便客商實欲資糧運且於雍正七年粵即修銀飭修已
由阿迷以下開至八達共一千五百里造船試行直至土黃有
旱路二站亦徑置備車牛竝蓋棚店下船至刺隘則徑達粵
江又嵩明之河名徑召東川由牛欄江達金沙江周環川江
後抵昭通以通舟楫雖工程不易亦人力所能現估勘繪圖
復奪若以川粵江河舟通滇會則片帆可達吳楚又不止尋常
水利事矣水利之興廢實關民生之休戚屬左慎南尤為要務
臣不自揣欲將東西而進凡有可興之水利逐處興修此三年
以來勤訪密查不遺餘力除現在省城六河昆明海口併延平

此府以屬一切河渠用霸各項疏濬用築已有頭緒其修
造西各屬已經查勘者有未往查指其務期確知以便委辦
在奉事之時雖不無以費於皆臣力以能嗣後別有因
出田地並丈出田地應行度價銀兩現核數目已約有數
萬即以此項辦此項總屬有修斷無不足是以臣屢蒙
聖諭恐力有不能全請動正項而並不敢請動正項亦不敢請
動正項亦不敢請動贏餘拙是導水濬河務期一勞永逸
暫行補救易永籌通利難就事治事易以人治人難
擬俟各工報竣即備細案叙具本題以請於道員廳員並
佐雜官員內分別河道遠近酌量改銜兼銜令總理各

理各屬水利再酌留歲修銀兩分定勤惰考成立季報
月報三條並具詳具結之例又督撫藩司仍將要緊
河道分派蒞茲今不時勘修俾於總管之外又各有專責
現在各屬員役不敢怠忽從事即後來大小官吏亦不敢因
循並無可諉卸或於地方水利實有裨益矣

奏為省過之類

會籌海塘情形疏

雍正十一年

工部尚書臣海望謹

奏

等欽遵

諭旨馳驛赴浙以有到浙日期及海鹽乍浦先行興工修築接濟
民食海寧尖山一帶俟臣等查看明悉再行確議具奏
之處業繕摺奏聞外今臣等渡江由紹興府改屬之蕭山
縣并河莊山等處將浙省江海情形詳加查閱江海之內戶
不同水性各異水道之遷徙靡常其中有人力以能為者
人力以不能為者凡人力以能為者自宜分別緩急次第興修
今將臣等管見敬為我

聖

陳之伏查江海之門戶有三省城東南龜峙兩山之間名曰
南大壺群機何莊兩山之間名曰中小壺何莊之北寧邑
海塘之南名曰北大壺此三壺形勢橫江截海實為浙省之
關隴再查江海水性凡海皆有潮潮皆時長惟浙省之潮與
他處不同蓋接海潮自東而西江自西而東每遇春秋
朔望潮汐盈滿江流陡發之時互相搏擊突起潮頭殊
甚雄悍若再遇颶風勢必洶湧故歷來為患甚難在
於潮而所以助潮為患甚烈又在江而風也再查江海水
道雖中小壺適當南北兩岸之中江水海潮若由此出入
則兩岸各虞但中小壺地面不及南北兩大壺之半且山

根柢氣似若綿時潮區沙淤偶通旋塞以不從而南即
徙而北徙而南則南岸尚有龔常等山連絡捍衛蕪山
等縣雖有冲刷之處為患猶輕若徙北則北岸僅有塘工藉
資備禦倘有浸溢關係甚鉅今查南大壩早已淤成平
陸數十年前尚由中小壩出入嗣後逐漸徙至北大壩故年來
北大壩五桑田廬舍已成滄海若欲過抑江海之狂瀾俟其仍
歸中道恐非人力所能為若臣等澤遠

聖訓細加詳勘凡於海塘有益而人力可施者靡不悉心籌畫
以仰副

聖懷今因看江海寧之東南有尖山聳峙鎮鎮海口其有

一小山依名塌山相去石有餘丈水底根脚相連尖塌兩山
之間相信向有石壩埧截水道有此壩石北岸護沙時塌
時漲後披修塘人役誤取去石修補塘土工北岸之沙至今
有坍空漲且等相度情形現今江水大溜緊貼北塘直取
尖山塌山之南而出引入海潮衝激塘身護沙日卸伏思水乘
沙去水去沙乘理固有之若於尖塌兩山之間照舊埧塞俟江
水海潮仍向外行則北岸護沙可望後漲果能北漲自為南坍
水道亦可望其南徙但春夏之交潮汛正大難以興工俟冬初
水落擬用石塊設法填塞似徇人力之計能否成事至於仁寧
二邑海塘亦有應修應築工程甚多一時難以並舉自應分別

盤龍省運之難

(三)

先後逐浙興修其自華家街以至尖山以西一帶塘工有草塘并條石塊石塘不等內有大學士朱軾於巡撫任內修築之石塘五百丈完固無損又新建之條石塘石塊雖小尚屬整齊均無庸修補其條石柴草各塘以及翁家埠旁空南去年衝塌之處有已經粘補者有現在動工修築加謹保護者但草塘易於朽爛塊石舊塘亦易坍塌若供僅、粘補年、搶修歲需錢糧至千累萬積至數年不可勝算而塘工之草料危險必故非徒久莫安之計似應改建大石塘庶可垂永久速此需工料約銀一百八十餘萬而此用夫役木石及運送船

隻等項甚多即侯用力繕修非歷數年之久不能告
竣伏查總督臣程元章業經奏准開捐以資經費若
俟其收銀而按年動支修築塘工漸次可以告竣而
帑亦不致於糜費且臣等現議堵塞尖山水口若既堵
後果能少漲舊塘則石塘可以不必改建估尖山既堵仍舊
沙再行改建似亦未遲惟是翁家埠一段草塘其地腳係
活土浮沙恐難釘樁砌石或仍用草工堵禦雖頃時加黏
補而地面不過十餘里每年所需每多至五塘內塘地勢低窪
及塘背附土卑窪之處現今即在堵補必需堵補之土沿塘或
各官地挖取在照例工之例交而地方官區段確查酌量購買

焚者省過之藥

(C)

民田應用仍將此項民田額徵錢糧查照題額又查雍正
年風潮偶大海水漫溢塘面損傷民田廬舍等項思驟
雨狂風不能預測若僅此一層堤岸未由萬全且現在石華
各舊塘一時未能改築應請於海塘之後添築土備塘一道
比舊塘再高五六尺務令於今年秋汛以前上緊趕築完
工第一風潮泛溢有此備塘抵禦可以預衛再查仁和全備
一帶海塘不下三百里若無專管人員將來不免廢弛之患查
河工定例文官弁董只責成今浙省海塘亦甚緊要
前經題委杭嘉湖道二員兵部管工程非只責成以保
嘉海防同知二員千把總各一員共二百名亦恐照料難周查修

設道員一員添設同知一員守備二員千總三員把總七員兵八
百名此設官兵不另歲需餉之費但查塘工歲修錢糧現今
每年不下數萬而此後如有粘補工程即以兵丁充夫工築則歲
修錢糧可以少減且設有兵官兵巡查照看隨時修補既可
保固塘工而於工築之時仍令勤加操演則海疆亦得藉資
防禦矣

被番省過之齋

請石塘外增築土塘疏

臣趙宏恩謹

竊臣取勘松江一帶海塘外設土塘俱屬完固又金山嘴一段土
地地基原低前估一段丈二尺由各工塘面高低不一已飭加築平
齊其格已修石塘如式堅固云添貼石內土塘現在奔城務期堅
穩再查石塘長至七千餘丈而寬五尺底寬一丈以臣愚見尚
覺单薄其外復土塘相離石塘有十餘丈及數十丈之遠致
築貼石內土塘係緊貼石塘裏面而石塘外面屢少幫扶
神恐日久潮侵而淋刺落擦損似應做照貼石內土塘之法緊貼
石塘之外再築土塘一層上寬五尺下寬二尺高一丈餘庶內外俱

有包裏扶視愈可怪久其深缺為第一險工石塘係首先修
築不及續修之工程堅穩則外築貼石土塘更宜加修寬
厚方為周密又查石塘以外厚築之外護土塘其內隙地原
廣而水頗多積注寺且前北岳欲在石塘開三四個以消積水
前督臣范時繹尹繼善俱以恐傷塘根阻止旋現被百姓群
籲疏戾且愚以為積水不消侵化塘根亦有干係若開挖數個
實恐有傷塘身細詢工員匠民欲於隙地中間酌開小河並
圍繞石塘之外仍不致逼近塘根於石塘而土塘交接之處開
石洞引水以入石塘內之新河于塘工民田俱有裨益而開河之
土即可以築貼石之外土塘約計共費二萬之內暫動司庫耗

漢科理侯塘工捐錢充足之時歸補又外護土塘以內源
地開河之外猶多空間宜酌種蘆葦柳株日久根條盤結
既可以固塘基而枝葉暢茂又可以資民用合並陳明

國朝奏疏卷四十五

經野

水利後

濬渠塘以備旱潦

敷奏江南水利

請廣淮北水利

覆奏淮海築圩情形

敬籌淮揚水患

籌上河歸江事宜

許承宣

鄂爾泰

顧琮

高斌

王明德

稽璜

籌湖水歸江別開鹽河

同前

籌辦下河水利

高晉

覆奏湖河高下情形

同前

籌濬三江水利

土國寶

奏濬三江水利

莊有恭

敬陳水利救荒

柴潮生

覆奏酌辦水利

方觀承

濬渠塘以備旱潦疏 康熙十九年

工科給事中 臣 許承宣謹

奏為濬渠塘以備旱潦事竊惟一方有一方之利一方有一方之害善為治者收其利而遂絕其害、莫甚於水旱利莫大於陂池渠塘今置陂池渠塘之利不講而欲禦水旱是猛不耕而思獲不勞而思衣不可得之數也江南去年之旱則數十年來未有之旱也江南今年之水數年來未有之水也方其旱則運河之水恐不足以濟漕而涓滴不能放之俟水及其水則滔天巨浸潰堤而出而汙漫不知以歸於海以由河臣只以治河為急而不及各府州縣陂池渠塘之利害府

初縣亦以洛水侵之河且率其地以有隄也渠塘廢之而
為荒墟也無以任事固宜遇旱則水泉之道冬塞遇
水則疏導之力難施也前哲且奉天顏有數陸呈圖久遠
疏其素在於大興水利以爲劉河吳淞二江徑前修且馬枯
挑濬其後近二江都郡縣頗受其利他若常熟之白茆港
福山港三丈浦江陰之黃田港申港武進之孟廣河包港丹
徒之安港西港至若各錫宜興可達太湖之河漢甚多金壇丹
陽万棲陳湖之水澤不少今此處皆淤塞不治若興工開濬建立
石閘以時啓閉旱則納素潮以蓄去水勝則洩內漲以過外潮此
江以南之水利見於後且之奏疏其概不可不議舉行之至若江

北之楊少內

國家漕運之大道也。此係尤重而水利之大者莫過於五塘。五塘
北何上下雷塘。小新塘。句城塘。陳公塘。是之堂考。明永樂
二年。平江伯陳瑄總漕。全資塘水。宣德八年。大旱。四塘乾
枯。運舟舟阻滯。知府李貞奏。乞修五塘。濟運。成化四年
侍郎王恕奏。修帑銀三千。於上下雷塘。句城塘。陳公塘。各築
石閘水碓。以防水旱。則由烏塔溝放水入河。接濟運舟。從此
南漕五塘。雁注長河。步不可殫述。厥後淫風不治。而塘之利
遂絕。然其舊北南石橋梁。猶存一二。若能急而修復。原則然
有淤蓄之地。而不至於泛溢。旱則有灌溉之資。而可以濟運。此

江以北水利極巨防未及奏修此尤不可不議舉行之難然蘇松
常鎮之水易於入江淮楊徐四之水難於入海供五塘之水利興
而不為求其以歸猶非策之全也且因近海三十六鹽場尚有涵洞
故跡今可修葺以洩水舊荆洞門自外控海潮至則海水內衝洞門
自閉海潮退則河流直走而洞門自閉門閉則海不得入而
年鹹水以害田門開則河水阻而有友港以達水如是則水咸
趨海而永無淹沒之慮矣方今公帑不充用濬之資金捐輸
無出且聞去年河漕日新補在淮賑濟令紳衿士民願納
封儲及序班等職勅納俊秀貢監皆先畧名造冊即借支
庫銀令其折次補完年終彙題上時成以便夫與女捐輸於

已飢已溺之後孰若捐輸於未飢未溺之先每以一時稍救
之可何以立百年長久之計則即以賑濟捐輸之例為渠塘
捐輸之利究之渠塘修而民無旱潦之患是修渠塘正
所以為賑也伏乞

皇上責令各督撫轉飭各府州縣及今冬涸速行挑濬漸次生成增
田均收其利旱潦不足為災有備無患一若永遠之良法莫過於
此者矣

敷奏江南水利疏

雍正五年

雲貴總督臣鄂爾泰為敷陳水利以備

林樺竄江南水利一事屢荷

聖心眷注諄懇目前任江蘇藩司於此屬水利曾悉心諮訪略知大要原擬將此項經費籌畫預定然後詳請督撫隨又

程重後急次第舉行及奉

聖恩起程未真事雖已寢心未暫忘前因邸鈔知蒙

聖鑒撥帑金十萬委大臣辦理且感且奮臣隨寫書據臣陳時

云疏濬河渠

特賜帑金以資調度蘇松常鎮就近之地料已留心查勘而江寧

為省會之區域也尤宜亟講郡治內外皆有河道秦淮之水
四出可通惟以日久湮塞若尋源開濬實於民有裨揚州以
重全賴五塘久屬豪强擅廢此閘於河作田因占數百里之
官塘遂荒數十家之民產至今少旱即歉多水又淹若將故
閘仍舊後造五塘之水一蓄此費不過數千金而斯民之利
甚博但頃不畏强禦方克有成故雖有賢守令往其中途
遂阻即勢不能搖又或造為別福侯必不可行此不欲開河
之通弊不可不留察也等語去後屢讀

聖諭愷切周密又奉

旨以原任給事中許承宣條奏揚州水利一疏著向揚州府在

奏者畢退之禮

京官員其覆奏亦甚詳明仰見

聖慮訪聞無微不煩謹此具啟見冒昧陳奏且按瀏河白茆二處
奉

首開濬此設河海二區之脈絡江浙六郡之要津查康熙九年巡按
張祐開濬劉河二十年巡按慕天顏開濬白茆等河其時
相去未遠皆有志可考有跡可循自能仰体

聖鑒至於江寧之秦淮其源有二一出句容華山一出溧水東廬山
合流入方山埭自通濟水門入於郡城內外交資其利甚博但
久不疏濬即疏濬亦屬故事河道雖存僅於夏秋水大
時暫通舟楫是享其利者正復無幾若不及今大加疏濬自

就堽廢勢難治理至於揚州五塘雖侵占已久而故址皆在
但能不畏勢豪修治甚易得益實多由揚州之邵伯高郵寶
應三直達淮安此帶地方稍遇水大一望汪洋民將不堪若
開濬五塘亦是分其下流但河堤綿亘三百餘里往來淮黃
及湖一遇聚宣洩甚難設閘已多而一旦水勢驟急輒難
行況監多被衝決須沿途相度別分支河出水迅駛常就安
濶如此則淮揚二郡永遠奠定而江北之水患息矣至於高家
堰為二郡之保障及淮北各州縣皆通河工自有河臣坐鎮不
肯修又非杜水利計矣臣竊江南自劉河白茆之外其
為南北之要津莫如鎮江之漕河在丹徒界步四十五里在丹

查勘省運之稿

陽界者九十里地勢如建瓴雖有京口呂城奔牛諸南藉以蓄水
一云冬月漕河冰凍挽運艱難每年挑濬隨濬隨淤歲必
常背由河身淺狹及挑濬時又復苟且為一時之計此挑淤
泥堆積兩岸就近之處及大雨淋漓仍復沖卸入河且冰淺之
時漕船既不能行橫截河內阻截民船多由亂渡以致起岸
盤壩行旅艱苦公私交困此又江南河渠大弊亦不独水利
以虞也且查此地實係杭嘉湖蘇松常鎮七府行漕之河而
向例每歲挑濬獨責之丹陽是丹陽之民独受其累更有姦
胥蠹役地棍等人得以借名濬派脚役車夫驢戶等人得以勒
索為便而兩頭乘船又得以卸裝另載凡此姦徒皆因以為利

故樂於堵塞不樂於疏通於是勾串夫役原不肯實力疏濬
俟就停濶又且賄囑漕船舵工水手故索排擠不留餘隙甚
至多用小船填塞河隄以絕其往來行人到此忍氣吞聲不
不舍舟而陸且亦察其弊曾經親勘嚴飭雖於雍正二年因
料估公費公中疏濬然終不移其式且附近各境凡有可比并陽
之休湖皆在河通以助運河常俟流注各處所不須復濬然
為一勞永逸之計至於各郡州縣之內外城河并各鎮市之河
每被勢豪侵占或填砌狹小或全行堵塞尤可痛恨應嚴飭
有司各行疏通不日少有相庇如仍前因循不即挑濬者理
當一經查出官糸吏處務甚之家從重治罪其各支河港

李書省退之書

(C)

漬塘浦名類不一所在多有凡可裨益地方者在是令查報酌
量經理但河路甚多若必悉付帑金勢難遍給臣竊料酌
條例凡挑濬官河若一切工費取給公帑其挑濬城河及鎮市
之河其則通計河身丈尺俾順河兩岸居民每戶照其基址
各後其丈其在港內不臨河者量為協助俟歲寬窄各有
定程鰥寡孤獨悉予優免至其間隙之地並令民居以
未挑之前先須築壩岸水及挑之日或須拆屋砌岸等此
等工費公用確估勸令紳衿富戶典賈醵商量力捐輸毋
許勒派其各支河關係民田者高田挑濬借水之利低田得岸
驅水之害皆勸令通計合商彼此交濟是官為經營民為惠

蓋勢豪姦竊不敢阻撓且自費考仍以自給凡有田之業主種
田之佃戶皆無不踴躍樂從而由利斯溥矣再城外運泥之
法務令遠置低窪之地不令高出地上城內運泥之法則將
全積之有障隔之空地俟水通日雇船運至城外亦置於低
窪之地不令高出地上總須倡率有方調度有法一切因時度
勢之用惟恃才之人又非且言之以能盡也臣自任江南私耽
耿適蒙

聖主軫念及此實千載一時故不揣愚昧越職陳奏

奏著省過之辭

請廣淮北水利疏 乾隆七年

漕運總督臣顏琮謹

奏為淮庠淮北水利可容惟淮北郡縣地居天下之衝襟帶
黃淮匯注湖陽土田庠行戶口繁多第頻年水旱饑饉
薦臻以之土地荒蕪民物凋敝連歲叠蒙

皇恩蠲賑截漕近又

特遣大臣接賑恤更令加意講求陂塘溝洫以期收益除害
見

聖主勤求民隱懷保惠鮮其政以欽措斯民於衽席兮必周
備且特畧總漕淮即通常駐劄之地又因歷任已再其同風

土民情知之頗遠近皆謂北上後沿堤相視按之此將訪之
土人而知淮北實有可與之利誠能因勢利導固有稅功甚鉅
為效甚鉅也而見淮安南北地之為下本畧相等乃田價懸
絕至有相去僅數十里而淮南價昂上田每畝值銀十格而淮
下地一頃僅值銀七八兩考其所以由蓋淮南河堤失建區區
注有資故堤外之田悉成上腴至淮北郡縣地雖廣河而溝渠
壅塞未謀求政地之為甚佳種二麥雜糧從未獲禾稻之利若
遇一亢旱麥收亦歉竟同石田其卑下之區別又皆沮如舊種
目汙萊積而稍多即多成巨浸是以夏旱秋潦年告災十
室九空公私困竭臣亦疑引河灌既廣設涵洞或止宜于淮南

焚香省過之齋

〇〇〇

十一

而淮北或有未宜近因議舟行江近北登堤履勘見五公橋
旁近土田肥淋宿麥成熟秧苗長茂詢之佃農並云此二年
前亦係荒瘠之地後因有錢姓者以賤價買墾外瘠田于
堤上創設涵洞導流引灌遂成沃土夏麥秋禾歲得再熟
故前此每畝三錢之價今已價十倍而因益倍蓄洩以宜地年
可獲艾利且窺見自江以上運河兩岸雖亦間有涵洞第向
果止知來水情運未知借水灌田是以坐听淤填原泉竟未收
涓滴灌漑之利迨後惟北之利而運河田畝高下相懸昔魏
史起之言曰魏氏之行思以百畝鄰獨二百畝是田惡也俾水在
其傍西門豹不知用是不智也知而不與是不仁也因引漳水溉鄴

皇上

而河內以當今淮北河形勢適相類此應准

特遣大臣一員總理相度会同督撫以詳酌妥辦估計
工于兩郡並河堤岸或建設涵洞或築壩堰開渠既田
至東西駱馬徽山漁濱徐塘諸河支分派別務各處創溝渠
或築圩岸以固田或棄窪地以淤水要係因地制宜克盡地力
而止又需用帑項應就近在兩淮運庫動用更令即於河
員內遴委諸練河務數人分司其在約二三年間水利興而
人力勤可免佚瘠土化為沃壤第恐議者疑其運河度及
此河之水或于清運有妨不知各省糧艘道徑惟徐年年五
月上旬即可過竣稻田須水正在夏秋前此啓閉以時運區

行宣導量稅借運河因蓄之水用為民田灌溉之資漕運
毫分以妨況漕江左右以建涵洞成數影推此仿行亦無疑
慮雖行事之初經費湏出自

朝廷盡然與共憚于興作而旱潦不除累歲

賜復蠲租動以鉅萬窮黎究難普濟 國帑坐以竭虛糜

何如力與此工以國民之利冬地之力耶考之目前計之夫
日其利有五淮徐災黎待哺嗷嗷半菽不飽若水利興修
即可寓工於賑其利一也而卽頻歲被災額賦既多蠲
免賑濟復從帑金當前既已周章後此更難為繼若田
功克舉普獲豐收從此正供可以無闕庫帑可以即省其

利二也淮徐常年饑乏一遇凶年米價翔湧若溝渠既通
則二麥禾稻歲獲再收數年之間民免艱食倉儲有備
其利三也而郡疏濬既化為膏腴賦不加增收有倍獲則
流亡安輯匪僻自消其利之也運河為湖泉貫注亦多溜壩
冲土今相視要害開引涵洞溝渠別水勢既分險工自穩行
之有成雖有此時開濬之費可除永久修工之費截長補短
去險就平其利五也利而害除上可慰

九重南顧之懷下可昭淮北百世之利一時

國家之改費有限而將來小民之獲利無窮水旱有以節宣一
步得以永逸收益除害公私竝濟多過於此矣

欽省省選之奏

覆奏淮海築圩情形疏 乾隆十六年

臣高斌謹

奏伏查淮海等屬州縣地勢低窪濱臨河湖居東省之下流
為中水之歸宿今據該御史奏宜倣江南圩田之法多為溝
洫供足容水肉蘊如人寄居海旁每置買田數畝周圍築
墻一以圩田之制歲獲有收成效已著請查照十一年八月原
奏將海州一屬并鄰接之宿遷桃源清河安東阜寧等縣
數年以來作何辦理情形

奏下督撫嚴飭地方有司實力奉行確切定議等語伏查海州
并宿遷桃源等縣修築圩岸一案先於乾隆十一年八

月高斌會同前督臣尹繼善奏准海州改屬照下河高寶等
處窪地立創修築圩岸令業主出資佃戶出力于農隙時次
第經理共多方之業佃酌借帑項年寬還項鄰接海州者連
桃源清河安東阜寧等邑亦照此辦理在案又乾隆十二年四月
前督臣尹繼善奏稱一切應修圩岸令地方官詳加相度酌量緩
急分年辦理其頂底高寬之制俱令相視地形酌定丈尺修築
之法務于圩外積土挑挖成溝仍于圩身酌留涵洞并設立圩
長責成四縣經理道府督勘等因奏准亦在案臣黃廷桂於
乾隆十四年將修築圩岸事宜酌定規條通飭該屬實力奉
行并令各地方官因地因時斟酌辦理務期合乎人情宜乎土俗

于事有濟茲查數年來辦理情形如後如東南鄉之荒廢等
二十四鎮沐陽二十字橋至錢家集至栗墟苗家寨等鎮安
東之西聯東路大瓦等鎮宿遷之河北等鎮築圩挑溝俱
經工竣阜寧之堰頭丁溪等里贛榆之南鄉等鎮亦經勘
明建圩其未修圩岸之處或因地势稍高沙土虛鬆不通水
或因潮水往來本係斥鹵以及開蕩匯淤卑窪窪水之地不
便概行修築至桃源清河二縣四鄉均係旱地並多種稻水
田其逼近河湖之處水勢洶湧非圩岸所能抵禦兼以土性
鬆旋修旋坍往費益甚此等八縣縣圩岸或宜或礙之
情形也竊思水利農田相為表裏必須得禦有備而後蓄

有資圩岸之制誠為良法惟是地勢不同難以一律而論海
沐陽全承東省來源駱馬全湖之水由六塘與沐山兩河
入海其六塘河自宿遷縣境歷桃源清河安在沐陽以
綿長數百餘里是圩岸之最大者莫如六沐兩河從前
民間自築圩堰迄乾隆八年至十二年歷經奏請培築高厚
費至數十萬查自加築以來唯乾隆十三年水勢平小得以
淮徐海各屬均獲有收至十四十五年東省山水盛漲
多漫溢民田多被有為圩岸均不免于水患誠以水患甚多
下流甚窄容洩不及勢必旁衝橫溢斷不能強与水爭也
至于圩岸之制惟田間偶遇霖潦低窪之地可用以防復如

楚香省週之齋

(七)

江南蘇松常鎮等州縣農田最爲日宜其次則下河高宝
丹泰山陽塩城行之亦有成效均以上水爲吳淞之水收圩岸
以施工至于海沙等八州縣俱在黃河以北一值平行土性
沙不宜禾稻民間惟恃春麥冬豆稔以爲益歲是以歷來有
一麥抵三秋之語一交夏秋則東省上山水泛溢六休交頤湖
蕩散漫勢非圩岸沙隄防禦此正產臣以奏圩田之制難驟
行之於北者臣等悉心講求詳加酌議水性地利之宜勢之可
于穴鑿而補漏救弊之方人事不可不盡此有海沙等八
州縣除修河挑濬既屢經試勘圩岸無益臣毋庸修築外
查令各該縣於舊有河形及支河曲港之處於農隙時董率

農民隨時挑挖以備霜降至後如沐陽贛榆安東阜寧宿遷
邳等有已成之圩岸仍令各該縣循照規條督率民夫歲
修并多挑溝塍以備蓄洩其已勘未成者列令隨時次第興
行至于地勢沙高并卑窪窪湖蕩窪水之地均不必強修
築阻礙水道其六沐西河已修動帑修築之堰雖吳縣之
水不能保護而邑常水勢藉以障禦不無裨益亦在仍
照題定之例督率民夫歲時修補查盛漲之水原非歲
以爲常如此漸次經理則惟徐海各州縣每年考覈既可
漸獲復舊稔且合计数年之內亦必有一二年秋成可獲
唯在因時因地隨宜辦理從寬從盡以期实效庶淮徐

利以害不遠之為

悔沮此之地雖不能收全局之功而一勞永逸之計而隨時補救

水患可漸成

敬籌淮揚水患疏康熙六年

通政使臣王明德謹

奏為敬籌淮揚水患事竊思古今第一急務莫重於水除大河
北河淮濟四條源且未就歷不敢妄陳若淮揚為淮黃下流
漕運咽喉民生長土受害極深况最確故其受病極深
知亦最真敢為我

皇上詳陳臣思天下賦稅才屬東南由江達河止恃漕河一線
從前曾規定別糧運行後方准官民船隻前進時當五月即
閉天北大閘不容黃水溢入內河以防流沙淤墊其沿河淤設
淺夫嚴勒限程惟令脣河侯爾幫提閱厚不許加高致令

運河受水有地不知孰淺孰深至秋收時末季法制侵蝕不
前賢立法深素惟以恤商為名遂由令商集冬由河回不
向寒甚盡在通行以致濁水直入內河全河於此漸積
承運之博規舊制嗣後一切管河官吏又復止知增設並
不濬淺殊不知運堤日增而日高則河身日淤而月淺更兼
上流高堰共石堤將盡之處向係高厚土堤日久年深未加修
築遂致自周橋間至白水塘翟家壩止二十五里之內衝塌
大小各口共計五處有闊十餘丈深至丈餘者有闊十餘
丈深八九十尺三四尺者淮水盡從高堤上流翟家壩一
帶竟入高郵寶應各湖直射漕堤是以內河之漕堤不能

支全淮大勢既控上流劈開水道四路奔行則下流海口等
處淮水之力漸減不能衝刷黃河濁水由黃河濁水反逆流
入淮凡淮水入河之海口及家場一帶全係泥沙淤墊是漕
口之淮水不能下一遇水發淮黃並漲亟斷如隄其高過於居
民房屋及遇颶風勢力不散終歸潰決廬舍田園難大
老幼隨波奔逝康熙四年七月初三日龍風大作高寶等
民男婦飄沒不可勝計蓋隄岸已高水力愈橫勢以益猛
固非修築不堅之罪也及遇亢旱又以河身淤墊積水去
幾有司漕運必重閉閘蓄水涓滴不容小民為危注灌
既之害是以順治九年十年江南全省大旱高寶與鹽各州

縣隄下小民田苗冬枯固不必言且有小民被渴而立斃者此
微臣伏處田間時時自眎又非僅止於傳聞也總緣淮揚
沿河州縣地處卑下水出年原更兼蓄洩無方雨則一
時皆集旱則涸水不通臣愚以為治淮規則似在查照
南河舊議酌議講求仍當審河侯爾幫隄保厚不應止於
隄上加隄止救目前不思久計茲不後漕運過淮完後五月
即開天妃廟舊例將圍流洋洋流入內地漕河亦旋濬旋淤
河終不可保而海也不於高郵寶應山陽江都各漕隄卑弱
處以量造滾水石壩水大則預行宣洩水小則實築圍壩
及高郵堰衝南各口速行修築將來水勢橫溢去水無

路暫阻亦旋修旋壞旋修不可得而固也但矣閉天祀下向修
前曹河重臣亦會議及多以奉差官共及商民船隻未
使未敢具疏題請且請比照濟寧境內天井石佛等廟
予例給實部單按時開放似無不可惟建造曹堤遠近者
壩實築高堰新開街口未免致費 國帑難募民夫

於水利雖在軍國大計實為下民永除疾苦以需天役
自應各切縣協將百姓自救身家何辭力役而於年之衝
歲一起夫困苦難堪何以實力修築共襄大計以圖一
勞永逸之舉是固淮揚士民以心悅而樂赴也若夫
長此往淮源以自以及沂濟漳涇各處濱河地方直省

小民受害者不減於淮揚或更甚淮揚此亦未可知伏乞
天恩勅部酌議是否淮水關係最重且議有無可採更訪
河漕重臣及直省督撫大臣嚴飭管河官吏悉心
訪詳考河決通權酌議一切河道如何而後疏防而利如
何而後蓄蓄兼資當此未而綢繆自應事事半功蓋倍
將水土平而後民生奠泉利之休不難立院見於今
於今日矣

籌上河歸江事宜疏 乾隆二十二年

臣嵇璜謹

奏 臣道往

臣往可下河率同何燭詳勘淮揚運河東堤減入下河之水自

邵伯以北者皆歸海邵伯以南者皆歸江緣邵伯以東迤

東地脈高阜天然限制各有分途若欲保之而若歸虛必

順其就下之性臣查下河歸海之路從前改建各閘丁溪小

橋地勢外高不能復水其草堰劉莊伍祐新興等場皆以

地勢之宜分注門龍港新洋港等口歸海惟查劉莊場之

閘南至新興場之石碇閘相距五十五里中間並無一閘之

焚香省過之齋

(C)

請於伍祐場之沿窪口蔡家港地方添設五孔石閘二座閘
挑上下支河引歸新洋港入海又查石碇閘天妃越閘兩端
裏頭尾俱已塌卸應儘修補堅固又各閘下支河年久淤
淺現在北閘底高二三尺至四五尺不等應請估挑又沿海
港口現俱淤通惟射陽湖傍曲太甚淺水不暢竟有系
西僅隔里許而南北僅一大灣至數十里於應請挑通
徑捷歸海至東場河以西河渠甚多其導水順而今淤塞
如泰州之孔家河鹽城之周溝河皮岔河在疏濬深通
資利導又高寶運河東堤原設石閘十座座水大則洩水
歸海水小則匯既民田今即兒閘子嬰南閘并邵伯之三

前年久傾圯在該拆修以利塔圯以上皆下河歸海之路
查下河坊橋本係水脚形如釜底每遇淫霖即遭淹浸
高郵該壩區水太多盈科漸進未及至海而下河已皆泛溢
查湖河水勢歸江近而歸海遠歸海迂迴而歸江徑直多
一分入江之路即少一分歸海之水且查運河歸江之路甚難
南董家溝石羊溝廖家溝之處南壩俱寬八十六丈即自
以南運河東堤舊設有金溝六南金溝滾壩東西壩壩鳳
凰橋壁虎橋灣頭南等處共寬九十餘丈上下相應用以導水今
今查東堤堤僅金溝六南并灣頭南區水通計七南口門止
寬十二丈八尺尚不如芒稻東西二南之寬鳳凰橋正南木橋

運水甚為微細東西灣壩面本為金灣滾壩淤土久積以致
運河之水不能及時宣洩臣前於五月內奏明動支帑銀
一千兩將金灣滾壩並鳳皇壁虎二橋抽挖溝槽不日暫
為宣洩之計茲接候霜降後將金灣滾壩挖低一尺東
灣壩改低二尺五寸鳳皇壁虎二木橋下於離一并挖低此
運河底高七尺為準惟西灣壩形勢不順每歲挑挖外在
將東灣壩添寬十二丈壁虎北木橋之上另開河頭十二丈
建木橋匯入壁虎橋引河內以資宣洩又金灣南底太
高臣將北南底改低一尺照上年酌估成數辦理在案
鳳皇壁虎等橋壩外支河在案此改壩脊一律挑深

又邵伯西岸設港口為湖水通入運河之咽喉內有蔡花港
明、廟港陳家港紅橋港久經淤塞且亦於春日間春
汛疏濬已經完竣惟查邵伯湖通注之引河多有淤
阻不能暢流每致積水停蓄應將黃子湖通連朱
家湖之陽家港引河改向西南疏濬寬深再朱家湖
通連董家湖之王家莊地方開挑新引河一道引水直
董家湖以達孔家橋形勢彎曲應從以東首另挑引河入
尤家窪下接挑新河一道由蔞城墩後引入越河再將越
河加挑寬深節引導引湖積水湍流入運由鳳凰堡
序二橋出廖家溝等壩歸江又查運河寶應之竹絡

壩外雖折為難資宣洩在佳於竹銘壩之南建滾水石
壩一座庶為實水勢可以平緩以上皆湖河歸江之路至
宣洩機宜惟在冬春和夏若六月以後江面既高潮以又
大難各開南壩十八丈而歸江南壩止八十餘丈系水甚低
於去水必須長年開放寸、與咸俾為實湖秋留區水之於
玉壩帶為患但查芒稻閘河乃而惟壩必由之路若下板
壩以濟運則河上坐誤機宜若全開南壩以利湖河則壩船
致洩阻期於雨不相妨庶可行之久遠臣悉心諮訪或稱別
運壩河道現在淺洩不一竟有淺至尺許者以芒稻閘
板即虞淺阻在請將運壩河道估挑以芒稻閘底水

深五尺為度俟運鹽河內長存五尺底水則鹽船可以通行
而沿河兩壩可以長年盤板既有利於河工而無礙於鹽運
再查下河各縣小港支渠不可數計若能善例與挑查
康熙年間每歲令下河居民挑濬渠港其有成效者從優成
地方官於農隙之時查照田間水道有淤塞淺隘之處飭集
里民按照地畝辦理佃戶出力業主給食鹽年開挑一次之
土即堆成圩岸以獲田疇是在有司善為督率則地方
自有起色每年將以挑各河造報督撫稽考數年後
庶渠港通達旱澇有備至籌辦在修各工內歸江各工
應列為急工歸海各工應列為緩工共歸江工程項在內十

焚香省過之齋

月間與工方由有益仰懇

敕
督河接鹽稅臣會同確議速估具題務於秋汛後刻期撥
辦以收實效再各工內所需銀兩有隸屬水利應於江蘇備
庫內動支有隸屬鹽務應於西淮運庫內動支隸屬河
工應於河庫內動支均統俟會議分別辦理

籌湖水歸江別開鹽河疏 乾隆二十三年

臣嵇璜謹

奏為籌湖水歸江別開鹽河事查上江河南興舉水利各河
匪注下賸則高室邵伯湖受水更為減少

聖訓

亟宜底求去路以為宣洩之計惟是湖河水勢潯海遠而歸江

近潯海紆迴而歸江順便江都彭澤之芒稻南壩實由湖河

潯水潯江第一尾閘若供長年裕放俾得湖潯水暢流潯江

於冬春水落時早為騰空以備伏秋蓄納之地則高郵南

關車邏二壩自然區水無多而下河各州縣可免淹浸之

虞此實拯民下河之要鍵急為芒稻一河乃淮南鹽艘必

田之路步河之急需洩水之府正鹽艘盛行趁掣之候若將苦積
同板徹底修故則溜勢湍急鹽船難以挽繆若因此全行改南
別湖河亦無去路必致壅積為災伏惟江南諸省水患頻仍
仰冀我

皇上軫念民瘼指示機宜大興水利現在上下支幹江河均已
逐一開挑節之疏導而芒稻河為潯江喫緊尾閘更宜
為謀求妥協方与全局有裨臣尹繼善孫璜會同臣高晉前
往查勘芒稻河自西北直趨東南而潯頭河則自西南至東北
橫亘其間以省運河東岸之金溝東溝鳳凰壁虎溝頭等
間壩減慢之水皆直趨芒稻間及董家溝石羊溝等處

各滾壩埭上鹽船素由灣頭河行走必俟南門下板方次浮渡
此芒稻間壩埭不能旋放合宜且等再四會畫查芒稻
迄未現有舊越河一道應令鹽船挽運如遇形勢不通由越
河直走金灣北南不繞芒稻南出灣頭則河水運鹽分兩途
芒稻間可以長年啓放董家溝石羊溝廖家溝皆可不必分
封閉庶供開河之暢此歸江實於水利有益第查越河長
一百餘丈臣等則量水勢甚覺淤淺應再挑深五六尺俾
舟通以利鹽艘逆行又查金灣北南之底尚高改低二尺四寸以便
船挽運如遇水勢凶小之年再行相核辦理如此則歸江尾閘各
此壩埭計開積水得以通相灌輸不致匯積為患矣

步署以通之

籌辦下河水利疏 乾隆二十六年

南河總督臣高晉謹

奏為查揚州府屬之高寶興泰等下河地方積年被淹荷蒙

皇恩准將高郵之南關車邏等壩封土三尺又於金灣壩下加挑

新河分派暢流俾水歸江現在業已完工另摺奏

聞自此洪河運河水永不致漫溢三壩而東注則高寶興泰等處

可免西來之水患矣惟是下河各處縣境內支河汊港及田間積

水向來俱匯入串場河北流二百餘里於鹽城境內之石壁天妃

等閘始行歸海道遠行迴驟難消因民間雖挑溝築圩不足

以資捍衛歷來每有西水之患而水久積亦是由是故是下收被淹

主故園在杜村東源而本地積勞之區亦當籌其去路此南下有海之引河不可不加疏濬也而議者有謂海潮勢大近海挑浚恐內水未出外水先進故又或疏而多淤漲各處滙集即多疏引河不能洩水滯海故臣等伏查范公隄縣亘六百餘里串場河自南而北向建石閘十八座每閘均有引河為洩水歸海之計嗣因洪湖之水由高郵各壩東注下河形如釜底水未到閘地已被淹是以不暇計及閘下之引河今南閘等閘既已封土金匱又後閘河徑始既有成模則善後必規金局查現在鹽城境內之白駒青龍八竈大園等閘引河於乾隆二十二年奏准挑浚由門龍港歸海雖不能如石壩等閘之通

焚香半退之齋

暢而南水外趨瓠資宣洩其餘迤南之丁溪小梅迤北之岡草
堰陳家中等五間緣彼時尚可通洩列入繕工未及挑濬年來
水漫沙停有竟成平堰者各南亦常閉亦不用臣等先後親
往各該處上下查勘現有王家港水深八九尺至一丈二三尺寬
十四五丈又有射陽湖寬深更甚臣等詳議籌辦下河此務
之

聖訓悉心討論再四講求若將丁溪小梅二閘引河疏浚深通順勢

再開一引河匯入王家港歸海又將上岡草堰陳家沖三閘
各引河疏濬深通順勢亦開一引河匯入射陽湖歸海就其
阻塞之途因勢利導俾散漫之水截傍取直順軌安流理

以海為歸宿並非另疏海口當不致有倒灌之慮至從引河
不能洩水歸海則從前沙洲占駒等廟引河現在洩水歸
海已得濟用歷有明徵蓋積水之區若多一尺去路即可
早消一尺積水并可早涸一尺田地數畝將之積水增此五兩
之引河萬一洩通源、宣洩小民見水易消固自必齊心合力
各挑河溝加築圩圍蓄洩兼資旱傍有備將見沮如漸成
沃壤仰沐

聖恩永資實利且等因下河通籌全局起見用是合詞修
陳恭謹

聖訓備蒙

越番省遲之稟

兪
完
臣
等
於
本
年
封
土
以
後
夏
秋
之
間
再
看
下
河
各
州
縣
水
勢
情
形
詳
籌
需
度
時
在
需
銀
兩
據
節
估
計
另
行
妥
議

請

旨
遵
行

覆奏湖河高下情形疏 乾隆四十二年

南河總督臣高晉謹

奏為覆奏湖河高下情形事。伏查淮揚運河因值前黃水
倒漾上下河身雖不無停淤而水勢下注仍無阻礙兩年來
該水暢出自運口以至寶應業經刷深因宝應供濟舊開
如之一束水勢未免較緩未能暢刷致高郵上下間有淺淤
前奉

旨復勘是以酌將供濟兩折除並挑挖灘嘴並開通湖港口俾長
河水勢暢順以期迅流刷淤漸次保通惟於指內便運入
湖引湖入運處未能詳悉陳明以致上煩

焚香省過之齋

(三)

虞慮深切悚惶茲查西岸寶應社湖周圍三百餘里湖面寬闊水勢一律相平而運口以之瓜分計高而文有考地形北高南下故若建甌是以三溝閘之外未設堤防下流之邵伯一帶湖河相通向來形勢即係如此並非近年變遷所致臣等後委淮陽道松齡參將李永吉前往運河上下逐段測量目下寶應運河水深八尺至一丈二尺河南較高湖面一丈二寸沁水汎運河水深六尺七八尺河南較高湖面六尺等永安汛運河水深七尺河南較高湖面五尺五寸迤下六溝南至姜家塘一帶河面較高湖面四尺五寸及二尺九寸一尺八寸不等迤至高郵一帶運河水深五尺六七尺河南湖面

相平惟露筋廟以下至三溝廟通湖港一帶則湖南高
於河面有二寸四寸一尺不等此高郵以上河高而湖低高
郵以下湖高於運河之實在情形也其湖水歸宿至湖
溯查從前水大之年一由高郵以下兩岸通湖二十四港入
運從東岸南側五里車邏昭關等壩駛入下河歸海由
西岸三溝廟之通湖港及邵伯鯢魚等港入運從金溝
東西傍鳳凰壁虎橋等處歸江後因歸海之路迂遠下河
民田易於被淹仰蒙

指授機宜大展清口俟洪澤湖清水會黃東注歸海山盱五溪
壩一律封土每年酌量啓放因寶應此湖在水較小高郵南

閘車運等壩久經封閉即西岸通湖各港亦俱堵塞現
在湖水止由三溝閘進下之邵伯通湖各港入運三十年來形
勢頗為順利且等前議將三溝閘進下通湖港一道築壩堵
閉俟湖水由三河行走至邵伯西岸各港入運仍從金溝等
閘下注歸江故去路原未改易祇令湖水從近裏二河至鮑魚
各港入運距三溝閘較遠俾三溝閘以下運河水勢至此不為
湖水橫衝並阻則運河上流之水得以流行迅疾於湖水歸江
之路仍無阻礙至宜在兩岸修建閘座之處且等因准勘運河
綿長三百四十餘里遇水勢盛漲之年一線運河下注不能
迅速未免壅盛不為不預籌劃後查運河東岸南座涵洞水

小時必須蓄泄併運即供下河民田需水亦盡量施注以資播種
若運河水大時下河民田形如釜底未便將河水引入致淹民
田是東岸閘河不過資農田灌既不可分洩運河盛漲惟有
西岸寶應臨湖一帶河面高於湖面數尺冬可宣洩查從前原有
竹絡壩三里溝滾壩及減水閘等處今因運河有修築水以減
上險暴漲近因該閘壩年久損壞是以酌請於三里溝上下
修建石閘二座以備減洩入湖終可容納且等身任河防
自當悉心籌辦以期上副
天心斷不敢通融遷就致運道河防稍有貽誤

蘇文香公遺之六翁

(C)

籌濬三江水利疏 順治三年

江甯巡按 臣土國寶謹

奏為敬籌濬三江水利事宜惟

國家財賦多出東南而東南財賦皆資水利關係極非細故臣熟知三

吳地形夏潦秋霽山水橫溢田疇淹沒郡民離困皆以下流淤塞

隄岸傾頽疏導不得其法掌治不得其人以致此耳臣按疏濬

下流浙西涉郡蘇松最下太湖綿亘數百里仙山前之水

散注溪澗洩至三江由三江而入于海若下流淤塞則水汎濫淹浸

禾稼為害非淺鮮也相其利害為之經紀則白茆港七浦塘劉

家河為蘇東北洩水之巨川也吳淞江大黃浦又蘇松南北

交境之水至大通也若吳淞南北白茆諸港浦之兩傍又各
有支渠引上流之水歸其中而並入於海就其中論之蘇之七
塘劉家河松之黃浦並皆係通利惟白茆港自宣治七
年一為疏濬吳淞江自天順間一為疏濬後來白茆朝沙
積壅狀如邱阜吳淞江竟如溝洫下流既壅上流亦滯舟
楫莫行田疇美治此利害之昭然固見於今計疏濬白
茆一港則七浦劉河通利而蘇州東北之水有以歸矣疏濬
吳淞一江則大黃浦通利而蘇松南北兩界之水有以歸矣
蘇松之水既各有歸則別吸太湖不至壅塞向來淹沒之土
皆出而可耕矣又修築堤岸並為切要昔人常陷於朝白江

炎香省退之齋

南園田中有河渠外有門閘旱則開閘引江水之利潦則閉閘拒江水之害旱潦不及為患美利要知園田全賴乎堤岸全堤岸全賴乎修築修築永堅則旱則車水以入潦可庫水以出而高低之田皆熟矣且惟杜桓之資盾

皇上之重要

敕諭詳、敢遂前朝舊制一、係奏大疏水築堤工力不無煩費而量此之出計似之入或相倍蓰或相千萬不可不熟計而審行之水利一行則稼穡登穡穡登則貢賦充而百姓將有餘哺鼓腹之樂乞

命廷臣詳議定策實臣一、亟細查明及一切胥吏乾沒之弊

不自虛名故多務期確為往後申報諸
首委平臥功垂不易之典也

奏准退之

奏濬三江水利疏 乾隆三十八年

江蘇巡撫臣莊有恭謹

奏為濬三江水利事竊臣任斯任時適上年秋雨稍多風潮稍大湖
水漲時二旬退不盈尺親赴嘉湖一帶周遭察勘知由水歸太
湖之路不暢並疑下游歸江滯淹之路或有壅於曾遭浙員
來江查勘究以在陽省難得確切因先將浙省通湖要港必
何大加開濬不至積水難消飭行司府籌畫議詳曾經恭摺奏
明在案

奉命調修江蘇經浙閩督撫臣用臣前議謹將湖州府屬之七十二
酌用民力以時疏濬奏奉

允行並於摺內聲明江南之寶帶係大湖出水之處有年於茲應否疏濬
臣查明自行辦理等因惟是臣自上年冬受事即內訪周伯升
員通歷蘇松太各屬確勘由湖屏江由江歸海之路窮源竟委
循跡遠近將何處壅淤應而開寬何處淤淺應加修浚並為酌
估需費林批陸續繪圖貼設前來臣等據全局窺見太湖居
蘇常湖三郡之中北受荆溪百瀆南受天目諸山之水匯為巨浸
而分疏之大輪則以三江為要三江者吳淞江黃浦江東江也東江自
宋已湮達明永樂間開黃浦江寬闊深通足當三江之一故
今亦謂之東江此三江之分流交錯徑吳江震澤吳縣元和昆
山沙陽青浦華亭上海大倉鎮洋嘉定十二州縣之境然

焚香省過之齋

(八)

間港浦能橫湖傷難錯大概觀之每處不可通流每地不可分
似亦可安於每事始而節之通不勝一節之塞數港之洩不
及一港之用則其勢必有以阻查太湖出水之口不特要帶橋一
處其他如吳江之十八港十七橋吳縣之鮑魚口大缺口為例
水穿運入江之要道無不有淺阻又如入吳淞之龍山湖大斜港
九里湖澱山湖淑浦等處向稱寬闊深通大容宣洩者近來
民間貪圖小利遍植艾蘆圍築魚塋無多防侵佔且本年
正月因查勘蘇松大海塘款至劉河初見現在河形亦大非
昔比舟楫來往必艱舟待潮崑山外港為要江正道淺狹特甚
如之要門外河為江源出運咽喉之地河面僅寬三四丈不等平

時多事雖若多甚開礙偶遇秋霖四水匯集江身淺窄先
本境之水以必俟境水消退然後湖水以出為之傳送而上
已多沙漫淹矣東南財賦重地水利民生大計若及早治之
事半功倍今日籌沙以治之、法其運河以西凡太湖出水
三口但就其有港可通有橋可渡之處為之淺鑿占塞規仿舊
額務保水流以迅速多阻其運河以東三江故道除黃浦
浙西水口現在尚屬淤通但於河口挑除淤漲蘆墩三處足資
暢洩等肅大辦外其吳淞江自龍山湖以下婁江自婁門以
下凡有淺狹阻滯處以相度情形疏濬寬濬務由上源改淺
之數足相容納只江身中段一切植蘆插斷及冒占水面之蘆
焚盡皆題之新

查明條款剷除嗣後仍嚴由之禁則水之停蓄有處停送時
並即以此河之土俾令加培圩岸再將現有間座如之經理共有
去海太近建置非宜难于啓閉若另酌量改移務令啓閉
得宜足資蓄田洩流渾潮不入清水盛強而海口之淤亦將不
挑而自去凡此應辦之工且由司道再三籌酌業已廣議具規條
第工段較長約略估計所需雖覺浩煩然散在十二縣州縣通
力合作實亦以出各邑此本為利益田疇起見如再舉有惑否
論業佃皆得永利款民間固有此舉皆案於趨事願以民力
為之但用民之力慎選董事分段督修仍需官董共成且工費極
繁若待鳩集財力而後興工不無稍稽時日合令仰懇

皇上
天恩准于公項內先行借動酌籌辦理于蘇松太三屬
得站宣洩灌溉也縣分年按款照款計數徵還則民力既
紓大工可期速集如蒙

恩允
即于今冬漕務事竣以後開工務于二三日間通工歲事
則在兩儀兆咸感沐

皇仁
於多既矣

欽陳水利救荒疏

乾隆九年

臣崇嗣生謹

奏為謹將救荒之策為臣國之遠圖懇乞

宸斷立行事竊照河間天津二府自去歲亢旱荷蒙

皇上截漕發帑多方賑恤俾中民不敢失所加以入粵以來

宵旰焦勞過在桑梓之禱自然甘霖大沛可謂有秋然臣愚區以為

至愚矣惟未可為本務也夫謀國如謀家不可以近憂既解遂置

慮於不圖治國如治身不可以標病既痊遂置本根於不問

古者東南未闢王畿侯國皆在西北王畿不過千里修遠滅之

五七十里地可招狹矣一天學自百畝周制六尺為步百步為畝僅

當今二十六畝有奇田可恒少矣而祭祀之費盛廢族之既
康君卿百官吏人之祿入賑貸貸之委積戰陣之當糧無不
取給於此費可謂廣矣而且三年耕有一年之食九年耕有三
年之食夫古之天下亦今之天下今何無備之甚也則以田
制既已廢廣水利亦慘復不修平日則鹵莽而落收一有急
則坐待賑恤為活計而已矣伏讀本年三月

上諭

之道養民之道在使之上順天時下因地利殫其經營力作
以贍其全家非沾沾於在上之補苴救恤道長特為資生之策
也為民父母民事即家事冬心勸課隨時區畫俾地無遺利
民無遺力則家有蓋藏自可引養引恬俯仰不匱大哉

王真得足民之根本矣。臣今不敢泛引該即以河間天津二府
之事言之。查二郡之地經流之大河三曰衛河白潯沱河曰漳
河。其潯河向府分水之支河十有一。潯水之淀泊十有七。蓄水之
渠三天津府分水之支河十有三。潯水之淀泊十有四。受水之
沽六。是水道之支多莫如些。三處故河間縣為瀛海山東之水
皆於此而委輸天津。名曰直沽。歲稱之流皆於此而奔匯。向
若河渠深廣蓄蓄以有方。即逢旱歲不能全收而灌。既
之功亦可自半。即不然而平日之蓄積亦可稱特數月以
大降之。至也。何出批田弃宅。挈子攜妻。流離道途。求水利
之廢。即此可知矣。人方苦饑而与之談水利。是可得之迂闊

此

上方
賑饑而即藉以興水利不可非善策也今甘霖一日不降則
賑費固不可已臣竊以為往歲之於賑恤不如此大發帑金
遂遣大臣將款捕水利冬行經理既可接濟賑民又可
潛消旱潦且拯貧乏之區為富饒一舉兩得似救時之急
務籌國之遠謀莫以易此臣謹考之於古證之於今為

皇上
一、臨之政直隸為禹貢冀州之域田稱中之今土壤乃
至瘠舊東南農民家有五十畝十口不饑此間雖擁數頃
之地常虞不給雖其土燥人怠風氣異宜亦不亟懸殊
此等張堪為漁陽太守於狐奴開稻田八千頃民有麥穗之歌

狐奴今之昌平也北齊裴延儁為北河刺史修古督亢陂
溉田百畝倍畝為利十倍督亢即今之涿州也宋何承矩為
河北制置侯于雄鄭霸州與堰六百里灌田初年每功
次年大熟承矩輦稻米入都示朝臣侯者乃息凶民之
食以明汪老蛟為天津巡檢欲與水田將吏皆不欲老蛟乃
捐俸自廩二千畝、收四五石惟早稻以贖立稿于是軍民
始信陂澍治田之法可行今東西二淀即承矩之澿梁天
津十字圍即老蛟田之遺址垂三竹冊非比荒唐又唐
朝李光地為巡撫與河間水田言涿州水佔之地每畝售
錢二百尚云欲步一兩成水田畝易銀十兩上年直督高

斌請開永定河灌田亦云查勘該至中情欣悅又因
石景山有莊頭修姓家道殷實能自引渾河灌田比常
農收收數倍旱潦不致為災又聞該縣亦有富戶自行鑿
井灌田每逢旱歲其利益饒又聞現在霸州知州宋一鵬
于二三月間曾勸民開井二十餘口今頗賴之證之近事後確
有批別水利之奇興也伏矣今請

特遣

大臣齎幣金數十萬前往河間天津二府督同道府牧

令各委佐武雜職除運道沙關及滹沱正流水性暴急慎

勿輕動大略河渠淀泊凡有故蹟可為者皆重加疏濬而又

於河渠淀泊之旁各開小河小河之旁各開大溝皆務依度

水力不及則止節次建立水門遞相灌注旱則引水入溝
以溉田潦則放南歸河以洩水其離水寥遠之處每由一頃掘
井一口十頃掘大塘一口亦足供用其中有侵及民田並古波
廢堰為民業已久者皆計畝均勻攤還以此辦理民情自
無不踴躍樂從即將現在之賑民帑外未還回之流民
停止賑給按地分段派令就工逐日給帑工值酌將三人
口糧寧厚多減一人在役停止賑糧二口三人就役停止家
賑糧四口五口以上一戶皆不能抗役者仍照例給賑其
沒之處有可耕種者即借予工本當年還徵還更該另

簡大臣齋帑金分巡直隸各府一以河間天津二府辦理雖以

費繁多而實為畿輔無窮之利或曰北土高燥不宜稻種
也土性少鹽水入即慘也挖掘民地易起怨聲也且前朝
徐貞明行之而立敗怡賢親王與大學士朱軾王經理亦垂
成而坐廢可為明鑒臣請又一言之九土之種矣宜未閔稻
非與妙之產現今玉田豐潤抗稻由且今第為之與水利
耳固不必強之為稻也或疏或濬則用官資可稍可未聽從
民便此不疑者一也土性少鹽是咸有之不過數處耳也掘
地皆少鹽亦且即使少鹽而多一行水之道比聽其沖溢其
害愈於已平不疑者二也若以溝渠為損地尤非知農者也
凡力田者務盡力而不費多壑語曰撈鹿其地荒得日多

田甫田惟芳跡、今侯十畝之地損一畝之蓄水而九畝獲
收而十畝之田皆落入孰利况損又予撙還不疑此三
至於前人之屢行屢罷此各有由徐貞明有幹濟之才以言
亦百世之利大時御史王之棟奏劾出於奄人勳威之素大
疏亦第言潭沈不可開耳未嘗言水田不可行也但其募
南人開墾即施予之又許占籍左先斗之屯學亦如是
北人主田而又塞其功名之路其致人言也宜矣至營田四局成
績具在公論難誣者日效力差員不無奉行未善此以
王一段遂區而廢之非你識長算妙言改出也况非常之
原黎日沙懼此貴持久乃乃功秦人開知白之渠利及

百廿年當時王欲殺水工鄭國澤河在大守番係引分水
灌田河渠數徙田步不能償種云唐長孫恕後鑿之
畝收十石凡始可難成可易廢悔以終之則是中道而棄
之則非不疑也而也至於水利既興之後或招募農師墾作
水器與夫逐年作何經理俾永無壅塞之處在听在
大臣詳加籌畫雖國家經費有常然

皇上視民如子凡有賑恤幾千萬帑金亦無吝惜即如現在開通
京師溝道已估費二十餘萬以視興修一省水利耗重較然况
此等乃以阜財非以費財又為

皇上教之天災國家代有荒政未看百全計口授糧僅救死

而扶羸以代賑亦掛而漏百何如擲百萬於水濱而卒收國
富民安之效縱有竟災陽旱亦可挹彼注茲是謂全弊
之賑恤連年米價

聖懷屢屢太停林買豈可久行捐監掾倉亦非上策若以民
收積素祿自給二補有資且訪閩直隸士民皆云有水
之田較多水之田相去不啻再倍是得不竭之常事且近
畿多八旗莊地直隸亦京兆股肱皆宜致之富饒始可
居重驭輕澤外帝從豪民于閩中明成祖遷富家于燕
里固非王政不失深謀若水利既興自給軍民而利是溥
無形之帑藏且西北水土之氣以上騰而下降也土氣太甚

則水氣受制故明臣魏呈閏徐光啓皆以興水利為致而之
術其言固未必確然東南半壁未嘗接踵告旱而直隸近年
以來閏雨者屢矣詎政事之缺失乃

聖人

罪己之懷諉氣數之適然亦術士無稽之論其實天人理

理數相因但使水土均調自然雨暘時若是自有驗之調

變且水性分之則利合之則害用之則利弃之則害故固有

言人之皆治田之人即人皆治水之人先臣張伯行亦主此論

又陸隴其為靈壽令督民濬衛河其極頗有怨言臣聞

云水之所以病民既而水潦大至他邑苦水尤重壽有宜

早歲竟有秋災殍殍早則資舟為國此備斯每患之矣

隱寓之何防抑且更有進於此者今生齒日繁民食所
恃思臣區區以為冬與西北之水田冬闢東南之荒地則
米價自始平減固左立致豐盈但事体至大請先直
隸為端俟行之有效另籌長策次第舉行集利為
年之基庶共在此乞飭大臣詳議舉行畿內幸甚

覆奏酌辦水利疏 乾隆二十七年

臣方觀承謹

奏查工部侍郎范时纪奏請飭直隸州縣手低窪處
疏濬種稻一摺奉

旨此不區偶以近來一二年間雨水稍多竟似此等地畝素
成積潦之區殊不知現在情形乃北省以偶設遇冬寒之
交時霽日久便成陸壤蓋物土宜於南北燥濕不能不
從其性即如附近昆明湖一帶地方試種稻田水泉最
而蓄洩旺減不時灌漑已難遍給倘得佳地冬令修作
秧田當雨水過多即可藉以淤用而雨澤一歉又將何以

大清聖祖高宗

救旱徑前近京議修水利營田未嘗不再三經畫始終未收實
濟方更地利不能強同但此時紀既有此奏長寄方觀承園
或有可以隨時酌採於目下疏導之法裨補一二此後皆悉照
議具奏欽此且思南北地利不能強同非人力尚可變易細詳
訓諭畿地農田情形已荷

聖明燭照

且查范時紀原奏有可值宜酌採查京南河縣窪
地有產種稻並可以寓疏濬之法七惟霜河系北煎茶鋪等處
淀數村又與文安接壤之畢家房宋家莊等十數村下流
停滯每於消涸一二尺後不能驟涸而地勢平行土性澤填乾隆
二十四年秋勞曾於次年試種稻秧竟獲有收今年九月內且查

趙文霸積水面交該州縣督令村民照前經理而免戶
力得種因該州縣有侍郎王鈞捐存營田工本銀一千五百
兩每年照例貸助佃民隨飭於存項內動銀借給該村
村民領種秋收免息還官以本年乾涸無從領種仍聽
舊播種黍粟以從民便此外又有保定府屬安州之
謝頭村新步縣之馬家寨一帶近從窪地土脈亦云
已於淀水落後將出湖淀頭開新邑端村東西二開開放積水
俟窪水內外相平酌看丈數存之深淺盈絀亦仿照霸州
種稻田事宜辦理既資補救並寓疏消見可而行之
益至如固安沙地非稻宜寶坻津靜青滄皆水鹼土嫌天津

蓋田久廢是故驗止為世河下故河淀相連古隄排列既平
以築堤堰水亦非尋常溝濬所能宣洩向來皆俟海河運河
水退大勢乃始減掣其中一水一麥之地居多非蓄洩即事秋
耕其可比况侵耕占種致妨水道近日河工正坐此患尤未便
概而施也今作大道開溝及濬復田間渠路修築舊有隄埝
或功用民力或以工代賑徑且分委道府查勘通飭各屬上
緊籌辦已節次批報開工竊且另行彙奏